

Fiji Hindi - Aatmik Laraai Baaibal - SW Intro Scriptures

Luuk 17:5 Tab chela log Yeeshu se bolis, "Ham log ke biswaas majbuut banaao!"

Raom 10:17 Koi bhi bina Yeeshu ke vachan sune, biswaas nai paay sake hei.

Luuk 11:1 Ek roj ek jagha pe Yeeshu preya karat raha, tab uske ek chela usse bolis, "Prabhu, hamme preya kare ke sikhaao wahi rakam jeise Yuhanna aapan chela log ke sikhaais raha."

1 Timathi 2:1-4 Sab se pahile, ham mañgta hei ki tum sab ke waaste preya karo. Parmeshwar se maañgo ki u sab ke madat kare aur aasheesh dewe, aur Parmeshwar se bataao ki ek ek ke waaste tum ketna dhanbaad deta hei.

2 Raaja aur baaki agua log ke waaste preya karo, ki jisse ham log sukh aur saanti se rahe saki jab ham sab Parmeshwar ke aadar aur weship karta hei.

3 I rakam ke preya achchha hei, aur i Parmeshwar ham log ke muktidaata ke khushi rakkhe hei. 4 Parmeshwar maañge hei ki sab koi bach jaay aur puura sachchaai jaane, jon ki i hei, Khali ek Parmeshwar hei.

Luuk 22:31 Yeeshu bolis, "Saayman, hamaar baat suno! Saitaan i hak maañg lees hei ki tumhaar test le, tum sab ke geñhu ke rakam faṭak ke, aur achchha ke kharaab se alag kar dei."

Zekraaya 3:1,2 - Juud 1:9 Cheef ainjal, Maaykal bhi, saitaan ke insalt nai karis, jab u duuno Maozas ke boḍi ke baare meñ baad bibaad karat rahin. Maaykal khali etna bolis, "Prabhu tumme saja dei!"

Efisias 6:12 Ham log insaan se nai laṛta hei. Ham log u sakti aur adhikaar aur añdhera ke agua log aur aatmik dunia ke sakti se laṛaai karta hei.

Efisias 6:10,11 Aakhri meñ, Prabhu ke mahaan sakti ke tumme majbuut banaay deo. 11 Parmeshwar jon hatiaar de hei u sab ke pahin leo, ki jisse tum apne aap ke saitaan ke chalaaki se bachaay sako.

Efisias 6:13-17 Yahi khaatir jon sab hatiaar Parmeshwar de hei, uske pahin leo. Tab jab u bura din aai, tab tum apne aap ke bachaay sakta hei. Aur jab laṛaai khalaas hoy jaai, tum majbuuti se khaṛa rahega. 14 Taiyaar raho! Sach ke aapan kamar ke peṭi ke rakam rahan deo, aur Parmeshwar ke nyaay tumme hatiaar ke rakam bachaay deo. 15 Tumhaar saanti ke baare meñ susamaachaar bataay ke ichchha, tumhaar gor ke juuta ke rakam rahi. 16 Tumhaar biswaas ke ek sheeld ke rakam rahan deo, aur tum sab saitaan ke barte teer ke rok lega. 17 Parmeshwar ke bachaay waala sakti ke ek helmat ke rakam rahe deo, aur talwaar ke jagha Parmeshwar ke sandes jon Aatma se aay hei, iyuz karo.

Heebru 4:12 Jon Parmeshwar bolis raha, u khali jeewit aur activ nai hei! U dui

dhaari talwaar se bhi chok hei. Uske vachan praan aur aatma aur joints aur merrow sab ke kaaṭ dewe sake hei, jab tak u ham log ke dil bichaar aur chaahat ke nai jaan lewe hei.

Luuk 4:8 Yeeshu bolis, “Baaibal meñ likhaan hei, ‘Prabhu, aapan Parmeshwar ke weship karo, aur khali wahi ke sewa karo!’”

Efisias 6:18 Kabhi preya kare ke nai chhoṛo, khaas kar ke dusra ke waaste.

Hardam Aatma ke sakti se preya karo. Saaodhaan raho aur Parmeshwar ke log ke waaste preya karte raho.

1 Samuel 17:45-47 - Deivid & Goliath

Luuk 10:17-20 Jab u bahattar (72) log lauṭin, to ulog bahut khushi rahin. Ulog bolin, “E Prabhu, tumhaar naam se to dushṭ aatma bhi hamaar baat maanat rahin!” 18 Yeeshu ulog se bolis, “Ham saitaan ke, bijli ke rakam swarag se girte dekha hei. 19 Ham tum log ke saaṅp aur bichchhu ke kachre ke aur tumhaar dusman, saitaan ke taagat ke uppar hak dia hei. Tumme kuchh haani nai hoy sake hei. 20 Lekin isse khushi nai hona, ki dushṭ aatma tumhaar bas meñ hei. Lekin i kaaran khushi hona ki tumhaar naam swarag meñ likha gais hei!”

2 Kurinthis 10:3-5 Ham log i dunia meñ rahta hei, lekin ham log, ulog ke rakam nai karta hei, 4 ya i dunia ke hatiaar se laṛaai laṛta hei. Iske badle, ham log Parmeshwar ke sakti iyuz karta hei jon baṛa baṛa sakti ke naas kare sake hei. Ham log jhagṛa miṭaata hei 5 aur sab rakam ke ghamand, jon koi ke Parmeshwar ke jaane se roke hei. Ham log, sab ke bichaar pakarta hei aur ulog ke Krist ke hukum manwaata hei.

2 Tīmathi 1:7 Parmeshwar ke Aatma hamme ḍarpok nai banaay hei. Aatma ham log ke sakti, prem aur apne aap ke bas meñ rakkhe ke dewe hei.

Methiu 12:28,29 Lekin jab ham Pawitr Aatma ke sakti se saitaan nikaarta hei, to i dekhaay hei ki Parmeshwar ke raaj tumhaar lage aay gais hei. 29 Keise koi ek tagra admi ke ghare jaay ke uske cheej luuṭe sake hei, jab tak u pahile tagra admi ke baañdh nai de? Aur tab u uske ghar luuṭi.

Efisias 1:13 Krist tum log ke lage sachchaai bhi laais, jon ki susamaachar hei ki keise tum bache sakta hei. Tum aapan biswaas Krist meñ rakkha aur Pawitr Aatma tumme waada karis ki tumme dekhaai ki tum Parmeshwar ke hei.

Prerito Ke Kaam 19:6 Tab Pol aapan haath ulog ke uppar rakkhis, aur Pawitr Aatma ulog ke dewa gais, aur ulog bahut rakam ke bhaasha meñ bole lagin aur aage hoy waala baat bataay lagin.

Maak 16:15-18 Yeeshu ulog se bolis, “Tum dunia meñ sab bagal jao aur sab jaat ke log ke i susamaachar sunao. 16 Jon biswaas kari aur baptisma lei, wahi bache saki, lekin jon biswaas nai kari, u dosi maana jaai. 17 Aur biswaas kare waalan ke saain rahi ki ulog hamaar naam se dushṭaatma ke nikaari. Ulog nawa nawa bhaasha boli. 18 Ulog saaṅp ke uṭhaay lei ya jahar

pee jaai to bhi ulog ke kuchh nai hoi, aur agar rogi pe haath rakkhi to rogi achchha hoy jaai.”

1 Yuhanna 1:9 Lekin agar ham Parmeshwar ke aage aapan paap ke maan lei, to uspe ham puura bharosa kare sakta hei ki u ham log ke maaf kar dei aur ham log ke paap nikaar dei.

Saṁhita 109:17 - Jeims 3:9/10 Pyaara dost log, aapan jeebh se ham baraai aur saraap duuno bolta hei. Ham log aapan Prabhu aur Pita ke baraai karta hei, aur u sab manush jon Parmeshwar ke rakam banaawa gay hei, uske saraap deta hei, i achchha nai hei.

Judges 16:16 - 2 Peeṭa 2:7,8 Luut raaiṭ se rahat raha, aur uske i sab dekh ke bahut dukh hot raha ki dushṭ log keise kharaab rasta pe chal ke jeewan bitaay hei. U ek achchha admi raha, aur roj roj u sab kharaab kaam dekh ke aur sun ke sahte raha. To Parmeshwar uske bachaay lees.

Efisias 4:26 Gussa nai ho ki tum se paap hoy jaay. Gussaay ke sowe nai jaao

Raom 14:12 Yahi khaatir ham sab ke Parmeshwar ke saamne dekhaay ke hei ki ham sab kaa kara.

1 Yuhanna 2:23 Agar ham log Putr ke nai maanega, to ham Pita ke bhi nai maanega. Lekin agar ham bolta hei ki ham log Putr ke apnaay lia hei, to ham log ke Pita hei.

Yuhanna 14:6 Yeeshu tab bolis, “Rasta, jeewan aur sachchaai hamahi hei! Hamaar bina koi bhi Pita ke lage nai jaay sake.

Methiu 11:28-30 Agar tum bojha dhote dhote thak gaya hei to hamaar lage aao, ham tumme araam dega. 29 Hamaar juaṭha (yoke) aapan uppar uṭhaao aur ham se seekho, kaahe ke ham naram dil ke aur deen hei, aur tumme araam mili. 30 I juaṭha dhoy meṁ sahaj hei, aur bojha bhi halluk hei.

2 Kurinth 6:2 Baaibal meṁ Parmeshwar bole hei, “Jab ṭaaim aais, ham tumhaar suna, aur jab tum madat maaṅga, ham tumme bachaay aaya.” U ṭaaim aay gais hei. Aaj hee u din hei jab tumme bache ke hei.

Raom 10:13 Jon koi bhi Prabhu ke pukaari, u bach jaai.

Exodus 20:5 - sin cursed to 3 & 4 generations

Pastor T. John Franklin
Church of Salvation, Healing, and Deliverance
COS-HAD.org